

თვითმმართველი ქალაქი ფოთი



გამარტივებული ელექტრონული ტენდერის საშუალებით

9 აპრილის ხეივანზე და ნაბადის უბანში მდებარე სკვერების, დიდების
მემორიალის, ძ. ლოლუას სახელობისა და ცენტრალური პარკების
მოვლა-პატრონობის მომსახურების შესყიდვის

სატენდერო დოკუმენტაცია

2011 წელი

ს ა რ ზ ე ვ ი

1. ინსტრუქცია გამარტივებული ელექტრონულ ტენდერში მონაწილეობის მისაღებად -----
--- დანართი 1
2. საკვალიფიკაციო მოთხოვნები ----- დანართი 2
3. ტექნიკური დოკუმენტაცია ----- დანართი 3
4. სახელმწიფო შესყიდვების შესახებ ხელშეკრულების პროექტი ----- დანართი 4

ინსტრუქცია გამარტივებული ელექტრონულ ტენდერში მონაწილეობისთვის

გამარტივებული ელექტრონული ტენდერის საშუალებით ხორციელდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით, საქართველოს კანონის „სახელმწიფო შესყიდვების შესახებ“, „სახელმწიფო შესყიდვების განხორციელების წესის შესახებ“ დებულების და „სახელმწიფო შესყიდვის ელექტრონული საშუალებით განხორციელების შესახებ დროებითი წესი“-ს შესაბამისად.

გამარტივებული ელექტრონული ტენდერის გამოცხადებისთანავე, პრეტენდენტს ეძლევა საშუალება გაეცნოს სატენდერო განცხადებას და სატენდერო დოკუმენტაციას, რომლის გაცნობის ვადა შეადგენს ერთ დღეს. სატენდერო წინადადების წარდგენა შესაძლებელია მხოლოდ სისტემის მეშვეობით. სატენდერო წინადადების მიღება იწყება წინადადების ვადის დასრულებამდე ორი დღით ადრე.

სატენდერო წინადადების წარდგენისათვის პრეტენდენტი პირველ რიგში უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით).

ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით (სატენდერო წინადადების უზრუნველყოფის გარანტიის ბენეფიციარი - სახელმწიფო შესყიდვების სააგენტო). ტენდერში მონაწილეობის საფასური შეადგენს 50 ლარს. სატენდერო წინადადების უზრუნველყოფის გარანტია დაბრუნებას არ ექვემდებარება შემდეგ შემთხვევებში:

- ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;
- ბ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;
- გ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;
- დ) პრეტენდენტის მიერ არაკეთილსინდისიერი ქმედების განხორციელებისას.

ელექტრონული გარანტიისა და საფასურის წარდგენის შემდეგ პრეტენდენტს უფლება ეძლევა სისტემის მეშვეობით წარადგინოს სატენდერო წინადადება. სატენდერო წინადადება შედგება წინადადების ფასისა და ტექნიკური დოკუმენტაციისგან.

ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა. პირველ რიგში პრეტენდენტმა სისტემაში უნდა ატვირთოს ტექნიკური დოკუმენტაცია, სადაც მითითებული იქნება ნებისმიერი ინფორმაცია შესყიდვის ობიექტის ტექნიკური და ხარისხობრივი აღწერის მიზნით.

ტექნიკური დოკუმენტაციის ატვირთვის შემდეგ, პრეტენდენტს ეძლევა შესაძლებლობა მიუთითოს სატენდერო წინადადების ფასი. სატენდერო წინადადების ფასი

წარმოდგენილი უნდა იქნას დამატებული ღირებულების გადასახადის, საქართველოს კანონმდებლობით დადგენილი გადასახადებისა და სხვა ხარჯების გათვალისწინებით. სატენდერო წინადადების ფასის მითითებისთანავე პრეტენდენტს უფლება აქვს მიიღოს მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად. ძირითად დროში პრეტენდენტს უფლება აქვს ცვალოს ფასი, კლებადობის პრინციპის გათვალისწინებითა და შემსყიდველის მიერ განსაზღვრულ ბიჯზე არანაკლები ოდენობით. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მოცემულია სატენდერო განცხადების შესაბამის ველში.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის. ასეთ შემთხვევაში ძალაში რჩება მის მიერ ბოლოს დაფიქსირებული ფასი.

დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს სატენდერო წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში პირველ შეთავაზებას აკეთებს ის პრეტენდენტი, რომელმაც ძირითად დროში ყველაზე მაღალი წინადადების ფასი დააფიქსირა, ხოლო ყოველ მომდევნო რაუნდში ის პრეტენდენტი, რომელმაც წინა რაუნდში ყველაზე მაღალი წინადადების ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში პირველ შეთავაზებას აკეთებს ის პრეტენდენტი, რომელმაც ბოლომ დააფიქსირა ასეთი ფასი. დამატებით რაუნდებში მონაწილეობა სავალდებულო არ არის.

დამატებითი რაუნდების დასრულების შემდეგ სისტემა პრეტენდენტებს აჯგუფებს სატენდერო წინადადების ფასის მიხედვით. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია. იმ შემთხვევაში, თუ პრეტენდენტის მიერ სისტემაში ატვირთული სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას საკვალიფიკაციო მონაცემების დამადასტურებელი დოკუმენტის წარმოდგენის მოთხოვნით. საკვალიფიკაციო მონაცემების დამადასტურებელი დოკუმენტები გაცემული უნდა იყოს „სახელმწიფო შესყიდვის ელექტრონული საშუალებით განხორციელების შესახებ დროებითი წესის დამტკიცების შესახებ” სახელმწიფო შესყიდვების სააგენტოს თავმჯდომარის 2010 წლის 22 ოქტომბრის №9 ბრძანების მე-2 მუხლის პირველი პუნქტის „კ” ქვეპუნქტით („ტენდერი გამოცხადებულია”) გათვალისწინებული ეტაპის დაწყების შემდეგ.

იმ შემთხვევაში, თუ ყველაზე დაბალი ფასის მქონე პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს, შემსყიდველი მას საკვალიფიკაციო მონაცემების წარმოდგენისათვის განუსაზღვრავს ვადას არაუმეტეს 5 სამუშაო დღისა. საკვალიფიკაციო მონაცემები არის ადმინისტრაციული ორგანოებიდან წარმოსადგენი დოკუმენტები, რომლებიც წარმოდგენილი უნდა იქნას სატენდერო განცხადებისა და სატენდერო დოკუმენტაციის შესაბამისად.

იმ შემთხვევაში, თუ პრეტენდენტის მიერ წარმოდგენილი ტექნიკური დოკუმენტაცია თუ იგი არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი

დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე. ამ შემთხვევაში ხდება პრეტენდენტის დისკვალიფიკაცია.

პრეტენდენტის დისკვალიფიკაცია ხდება ასევე მის მიერ საკვალიფიკაციო მონაცემების დამადასტურებელი დოკუმენტების წარმოუდგენლობის ან/და ხარვეზის მქონე მონაცემების წარმოდგენის შემთხვევაში. ასეთ შემთხვევაში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას, სატენდერო კომისიას უფლება აქვს შეწყვიტოს ტენდერი.

იმ შემთხვევაში, თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა შემსყიდველი დებს მასთან სახელმწიფო შესყიდვების შესახებ ხელშეკრულებას.

ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

დეტალური ინფორმაციისთვის იხილეთ „სახელმწიფო შესყიდვის ელექტრონული საშუალებით განხორციელების შესახებ დროებითი წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2010 წლის 22 ოქტომბრის №9 ბრძანება.

2. საკვალიფიკაციო მოთხოვნები

2.1 საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები და ინფორმაცია:

2.1.1 იურიდიული პირებისათვის და ინდივიდუალური მეწარმეებისათვის:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან (საქართველოს საჯარო რეესტრის ეროვნული სააგენტოდან), რომლის შესაბამისად, პირის ქონებაზე არ უნდა იყოს საჯარო სამართლებრივი შეზღუდვები, არ უნდა ხორციელდებოდეს იურიდიული პირის რეორგანიზაცია ან ლიკვიდაცია.

ბ) ცნობა, საგადასახადო ორგანოდან ბიუჯეტის მიმართ დავალიანების არ არსებობის შესახებ;

2.1.2 ფიზიკური პირებისათვის (გარდა ინდივიდუალური მეწარმისა):

ა) პირადობის მოწმობის ან პასპორტის ასლი.

ბ) ცნობა შესაბამისი უფლებამოსილი ორგანოდან ნასამართლეობის შესახებ, რომლითაც დასტურდება, რომ პირი არ არის ნასამართლევი სამეწარმეო ან ეკონომიკური საქმიანობისა და სამოხელეო დანაშაულისათვის;

გ) ცნობა, საქართველოს საჯარო რეესტრის ეროვნული სააგენტოდან ფიზიკური პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ.

გ) ცნობა უფლებამოსილი სამედიცინო დაწესებულებიდან, რომ ფიზიკური პირი ქმედითუნარიანია;

დ) ცნობა, საგადასახადო ორგანოდან ბიუჯეტის მიმართ დავალიანების არ არსებობის შესახებ;

შენიშვნა: საქართველოს მოქალაქეობის არ მქონე ფიზიკური პირი ან უცხო ქვეყნის იურიდიული პირი წარმოადგენს საკვალიფიკაციო მოთხოვნების 2.1. პუნქტით დადგენილი მოთხოვნების ექვივალენტურ მონაცემებს, რომლებიც სათანადო წესით არის დამოწმებული ან ლეგალიზებული. აღნიშნულ დოკუმენტებს თან უნდა დაერთოს ნოტარიულად დამოწმებული თარგმანი ქართულ ენაზე.

2.2 პრეტენდენტის მიერ წარმოდგენილი საკვალიფიკაციო მონაცემების დამადასტურებელი დოკუმენტაციის წარმოდგენა ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. საკვალიფიკაციო მონაცემების დამადასტურებელი დოკუმენტები გაცემული უნდა იყოს „სახელმწიფო შესყიდვის ელექტრონული საშუალებით განხორციელების შესახებ დროებითი წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2010 წლის 22 ოქტომბრის №9 ბრძანების მე-2 მუხლის პირველი პუნქტის „კ“ ქვეპუნქტით („ტენდერი გამოცხადებულია“) გათვალისწინებული ეტაპის დაწყების შემდეგ.

2.3 პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

2.4 ამ მუხლის 2.1 ქვეპუნქტით გათვალისწინებული საკვალიფიკაციო მონაცემები და ინფორმაცია, ყველაზე დაბალი ფასის მქონე პრეტენდენტმა (თუ მის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს) უნდა წარმოუდგინოს შემსყიდველ ორგანიზაციას 5 სამუშაო დღის ვადაში.

2.5. პრეტენდენტმა უნდა წარმოადგინოს ხელშეკრულების უზრუნველყოფის საბანკო გარანტია (ბანკის მიერ ან სადაზღვევო კომპანიის მიერ გაცემული) ხელშეკრულების საერთო თანხის 2%-ის ოდენობით, საბანკო გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულების მოქმედების ვადას.

ტექნიკური დოკუმენტაცია (პირობები)

3.1 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

3.2 თვითმმართველი ქალაქ ფოთის (შემდგომში - ქალაქი ფოთი) მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს: თვითმმართველი ქალაქ ფოთის 9 აპრილის ხეივანზე და ნაბადის უბანში მდებარე სკვერების, დიდების მემორიალის, ძ. ლოლუას სახელობისა და ცენტრალური პარკების მოვლა-პატრონობის მომსახურება.

მომსახურების მიწოდების ვადები - ხელშეკრულების გაფორმებიდან 2011 წლის 31 დეკემბრის ჩათვლით.

3.3 მომსახურების დახასიათება

მოვლა-პატრონობა უნდა გაეწიოს თვითმმართველი ქალაქ ფოთში, 9 აპრილის ხეივანზე და ნაბადის უბანში მდებარე სკვერების, დიდების მემორიალის, ძ. ლოლუას სახელობისა და ცენტრალური პარკებს დანართი 3.3.1 -ს შესაბამისად.

სკვერების მოვლა-პატრონობის მომსახურება მოიცავს:

პარკისა და სკვერების ტერიტორიაზე არსებული ბალახის საფარის დასუფთავება, საჭიროებისამებრ არსებული ბორდიურების გასწვრივ (წარბების) სარეველებისაგან და თვითამონაყარი მცენარეებისაგან გასუფთავება, ნარჩენის შეგროვება და გატანა. ზრდასრული ხე-მცენარეების ირგვლივ ნიადაგის შემობარვა, ამონაყრის შეჭრა-შესხეპვა და ტერიტორიიდან გატანა. საჭიროებისამებრ (წელიწადში ორჯერ) ხე-მცენარეების შტამბის შეთეთრება კირით 1 მეტრ სიმაღლეზე. არსებული ბუჩქების დეკორატიულად გასხვლა და შეგროვილი ნაგავის გატანა. ამასთანავე, ყოველდღიურად უნდა განხორციელდეს პარკებისა და სკვერების ტერიტორიაზე არსებული გზა-ბილიკების დაგვა-დასუფთავება და შეგროვილი ნაგავის გატანა. ცენტრალური პარკის ღობის მოვლა-პატრონობა, დაზიანების შემთხვევაში შეკეთება-შედგენა. პარკებსა და სკვერებში არსებული სკამების, სანაგვე ურნების, შადრევნების მოვლა-პატრონობა და მათი გამართული ფუნქციონირების უზრუნველყოფა და ღობის მოვლა-პატრონობა.

დანართი 3.3.1

№	დასახელება	განზომილების ერთეული	რაოდენობა
1	9 აპრილის ხეივანზე მდებარე სკვერი	ჰა	5
2	ნაბადის უბანში მდებარე სკვერი (სამეგრელოს ქუჩის მიმდებარედ)	მ ²	2,5
3	დიდების მემორიალი (გურიის ქუჩა მიმდებარედ)	ჰა	6
4	ძ. ლოლუას სახელობის პარკი რუსთაველის რკალის მიმდებარედ)	მ ²	2,6
5	ცენტრალური პარკები (რუსთაველის რკალის მიმდებარედ)	ჰა	3

3.4 პრეტენდენტის ტექნიკური დოკუმენტაცია უნდა შეიცავდეს:

ა) თვითმმართველი ქალაქ ფოთის 9 აპრილის ხეივანზე და ნაბადის უბანში მდებარე სკვერების, დიდების მემორიალის, ძ. ლოლუას სახელობისა და ცენტრალური პარკების მოვლა-პატრონობის მომსახურების ჩამონათვალს, ფასების ცხრილს და მიწოდების გრაფიკს დანართი №3.4.1-ისა, სატენდერო წინადადება უნდა მოიცავდეს ამ ტენდერით გათვალისწინებული შესასყიდი ობიექტის აღწერილობის სრულყოფილად შესრულებას. სატენდერო წინადადების ღირებულებაში სრულად უნდა იყოს მოცემული ამ ტენდერით გათვალისწინებული მომსახურებასთან დაკავშირებული ყველა ხარჯები, დღგ-სა და კანონმდებლობით გათვალისწინებული ყველა გადასახადები.

გ) ინფორმაციას დანართი 3.4.2-ის (პრეტენდენტის რეკვიზიტები, სატენდერო წინადადების ფასი) შესაბამისად.

3.5 ანგარიშსწორება განხორციელდება ეტაპობრივად, შესრულებული მომსახურების მიღება-ჩაბარების აქტის გაფორმების შემდეგ.

3.6 თვითმმართველი ქალაქ ფოთი უზრუნველყოფს წარმომადგენლის გამოყოფას, რომელიც ზედამხედველობას გაუწევს მომსახურების გაწევის პროცესს და მიღება-ჩაბარების აქტის გაფორმებამდე აცნობებს მიმწოდებელს მომსახურების შესრულების პროცესში წუნის აღმოჩენის შესახებ.

3.7 მიმწოდებელმა ორგანიზაციამ მიღება-ჩაბარების აქტის გაფორმებამდე საკუთარი სახსრებით უნდა უზრუნველყოს მოსაწოდებელ მომსახურებაზე გამოვლენილი დეფექტის ან ნაკლის აღმოფხვრა.

დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან, სატენდერო კომისიის აპარატის წევრი:

მაია სულავა, ტელ: +995 393 2-45-54

მობილური 899 748 436

წერილობითი მომართვის შემთხვევაში - თვითმმართველი ქალაქ ფოთი, დ. აღმაშენებლის ქუჩა № 12, სატენდერო კომისია.

თვითმმართველ ქალაქ ფოთში, 9 აპრილის ხეივანზე და ნაბადის უბანში მდებარე სკვერების, დიდების მემორიალის, ძ. ლოლუას სახელობისა და ცენტრალური პარკების მოვლა-პატრონობის მომსახურება

ჩამონათვალი, ფასების ცხრილი და მიწოდების გრაფიკი დანართი №3.4.1

№	ადგილმდებარეობა	განზ. ერთ.	რაოდენობა	მომსახურების ღირებულება	
				ერთი თვის მომსახურების ფასი ყველა თანმდევი ხარჯის გათვალისწინებით	საერთო ფასი ყველა თანმდევი ხარჯის გათვალისწინებით
1	9 აპრილის ხეივანზე მდებარე სკვერი	ჰა	5		
2	ნაბადის უბანში მდებარე სკვერი (სამეგრელოს ქუჩის მიმდებარედ)	მ²	2,5		
3	დიდების მემორიალი (გურიის ქუჩა მიმდებარედ)	ჰა	6		
4	ძ. ლოლუას სახელობის პარკი (რუსთაველის რკალის მიმდებარედ)	მ²	2,6		
5	ცენტრალური პარკები (რუსთაველის რკალის მიმდებარედ)	ჰა	3		

მომსახურების მიწოდების ვადაა ხელშეკრულების გაფორმებიდან 2011 წლის 31 დეკემბრის ჩათვლით.

სულ ღირებულება დღგ-სა და სხვა ხარჯების ჩათვლით ----- ლარი.

სკვერებისა და პარკების მოვლა-პატრონობა

ხარჯთაღრიცხვა

გამხმარი ტოტების ჩამოჭრა

№	სამუშაოს დასახელება	განზომილება	რაოდენობა	ერთეულის ღირებულება	მთლიანი ღირებულება
1	3	4	5	6	7
1	გამხმარი ტოტების ჩამოჭრა	ცალი	1		
	შრ. დანახარჯი	კ/სთ	0,0803		
	ხერხი ბენზინის ძრავაზე ხელის	მ/სთ	0,04		
2	მოჭრილი ტოტების ტრანსპორტირება	ტნ	0.04		
	ჯამი				

ერთი კვადრატული მეტრი ტერიტორიის გადათონა

№	სამუშაოს დასახელება	განზომილება	რაოდენობა	ერთეულის ღირებულება	მთლიანი ღირებულება
1	3	4	5	6	7
1	ტერიტორიის გადათონა	კმ	1		
	შრ. დანახარჯი	კ/სთ	0.0103		
	ჯამი				

ხის შეთეთრება კირით

№	სამუშაოს დასახელება	განზომილება	რაოდენობა	ერთეულის ღირებულება	მთლიანი ღირებულება
1	3	4	5	6	7
1	შეთეთრება კირით	ცალი	1		
	შრ. დანახარჯი	კ/სთ	0,036		
	კირი	კმ	0.125		
	ჯამი				

ერთი კვადრატულ მეტრი ტერიტორიის გადაბარვა

№	სამუშაოს დასახელება	განზომილება	რაოდენობა	ერთეულის ღირებულება	მთლიანი ღირებულება
1	3	4	5	6	7
1	ტერიტორიის გადაბარვა	კმ	1		
	შრ. დანახარჯი	კ/სთ	0.0120		
	ჯამი				

ერთი კვადრატული მეტრი ბალახის საფარის დამზადება და მოწყობა

№	სამუშაოს დასახელება	განზომილება	რაოდენობა	ერთეულის ღირებულება	მთლიანი ღირებულება
1	3	4	5	6	7
1	ბალახის საფარის დამზადება და მოწყობა	კმ	1		
	შრ. დანახარჯი	კ/სთ	1.39		
	წყალი	მ3	0,20		
	ჯამი				

ერთ კვადრატულ მეტრზე ცოცხალი ბორდიურების გადასხვლა და გაფორმება

№	სამუშაოს დასახელება	განზომილება	რაოდენობა	ერთეულის ღირებულება	მთლიანი ღირებულება
1	3	4	5	6	7
1	ცოცხალი ბორდიურების გადასხვლა და გაფორმება	კვმ	1		
	შრ. დანახარჯი	კ/სთ	0,075		
2	შეგროვილი ნაგავის გატანა		1		
	შრ. დანახარჯი	კ/სთ	0.0391		
3	ნაგავის ტრანსპორტირება	ტნ	0.01		
	ჯამი				

ერთი კვადრატული მეტრი ტერიტორიის, სკვერის და სავალი გზების გაწმენდა ბალახისაგან, დასუფთავება და შეგროვილი ნაგავის გატანა

№	სამუშაოს დასახელება	განზომილება	რაოდენობა	ერთეულის ღირებულება	მთლიანი ღირებულება
1	3	4	5	6	7
1	ტერიტორიის, სკვერის და სავალი გზების გაწმენდა ბალახისაგან, დასუფთავება და შეგროვილი ნაგავის გატანა	კვმ	1		
	შრ. დანახარჯი	კ/სთ	0,0453		
2	შეგროვილი ნაგავის გატანა	მ/სთ	1		
	შრ. დანახარჯი	კ/სთ	0.0391		
	ნაგავის ტრანსპორტირება	ტნ	0.01		
	ჯამი				

ერთი ხის გადაბეღვა

№	სამუშაოს დასახელება	განზომილება	რაოდენობა	ერთეულის ღირებულება	მთლიანი ღირებულება
1	3	4	5	6	7
1	ხის გადაბეღვა	ცალი	1		
	შრ. დანახარჯი	კ/სთ	0,0958		
	ხერხი ბენზინის ძრავაზე ხელის	მ/სთ	0,04		
2	გადაბედილი ტოტების ტრანსპორტირება	ტნ	0.04		
	ჯამი				

შენიშვნა: ერთეულ ფასში გათვალისწინებული იყო საქართველოს კანონმდებლობით დადგენილი ყველა გადასახადი დღგ 18 %-ის ჩათვლით

პრეტენდენტის რეკვიზიტები და სატენდერო წინადადების ფასი დანართი 3.4.3

პრეტენდენტის სამართლებრივი ფორმა და დასახელება -----

იურიდული პირის ხელმძღვანელის ან ფიზიკური პირის
სახელი და გვარი -----

პრეტენდენტის იურიდიული მისამართი -----

საიდენტიფიკაციო კოდი ან ფიზიკური პირის შემთხვევაში
პირადი ნომერი -----

პრეტენდენტის ტელეფონის ნომერი -----

ელ-ფოსტა: -----

ბანკის დასახელება და ბანკის კოდი -----

ანგარიშის ნომერი -----

სახელმწიფო შესყიდვების ერთიან ელექტრონულ სისტემაში შემოთავაზებული
სატენდერო წინადადების ფასია ----- ლარი (დღგ-ს, სხვა
ხარჯების ჩათვლით)

პრეტენდენტის სატენდერო წინადადება ძალაშია „სახელმწიფო შესყიდვის ელექტრონული
საშუალებით ანხორციელების შესახებ დროებითი წესის დამტკიცების შესახებ“ სახელმწიფო
შესყიდვების სააგენტოს თავმჯდომარის 2010 წლის 22 ოქტომბრის №9 ბრძანების მე-2
მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის
დადგომამდე.“

ხელშეკრულება სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

წინამდებარე ხელშეკრულება დაიდო _____ 2011 წ.

ერთის მხრივ თვითმმართველი ქალაქ ფოთი (შემდგომში „შემსყიდველი“)

და მეორეს მხრივ _____

(შემდგომში „მიმწოდებელი“)

(მიმწოდებლის დასახელება და რეკვიზიტები) შორის.

იმის გათვალისწინებით, რომ შემსყიდველმა ჩაატარა გამარტივებული ელექტრონული ტენდერი თვითმმართველ ქალაქ ფოთში, 9 აპრილის ხეივანზე და ნაბადის უბანში მდებარე სკვერების,

დიდების მემორიალის, ძ. ლოლუას სახელობისა და ცენტრალური პარკების მოვლა-

პატრონობის მომსახურების შესყიდვაზე, რომელშიც გამარჯვებულად მიჩნეულ იქნა

მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება

გაუწიოს შემსყიდველს ზემოაღნიშნული

მომსახურება შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) –

შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული

ხელშეკრულება, რომელიც ხელმოწერილია მხარეთა მიერ, მასზე თანდართული ყველა

დოკუმენტით და დამატებებით და ასევე მთელი დოკუმენტაციით, რომლებზეც

ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს

შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების

სრული და ზედმიწევნით შესრულებისათვის;

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას

(დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს

მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი:

თვითმმართველ ქალაქ ფოთში, 9 აპრილის ხეივანზე და ნაბადის უბანში მდებარე სკვერების, დიდების მემორიალის, ძ. ლოლუას სახელობისა და ცენტრალური პარკების მოვლა-

პატრონობა.

3. ხელშეკრულების შესრულების კონტროლი

3.1 შემსყიდველს ან მის წარმომადგენლებს უფლება აქვთ ხელშეკრულების შესრულების

ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების

შესრულებაზე და განახორციელოს მომსახურების ხარისხის პერიოდული ინსპექტირება.

3.2 მიმწოდებელი ვალდებულია საკუთარი რესურსებით უზრუნველყოს შემსყიდველი

კონტროლის (ინსპექტირების) ჩატარებისათვის აუცილებელი პერსონალით, ტექნიკური

საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის

(ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის

ანაზღაურებას უზრუნველყოფს თვით შემსყიდველი.

3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ -----

4. მომსახურების გაწევის პირობები

4.1 მომსახურების გაწევა განხორციელდება ყოველდღიურად 2011 წლის -----
2011 წლის 31 დეკემბრის ჩათვლით.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-3 მუხლის 3.5 პუნქტში მითითებული პირები).
5.2 მიღება-ჩაბარების აქტის გაფორმების საფუძველს წარმოადგენს ინსპექტირების (ხელშეკრულების შესრულების კონტროლზე პასუხისმგებელი) ჯგუფის დასკვნა და მიმწოდებლის მიერ წარმოდგენილი ანგარიშები (გაწეული მომსახურების შესახებ).
5.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

6. ანგარიშსწორება

6.1 ანგარიშსწორება მოხდება ლარებში

6.2 გადახდის ფორმა – უნაღდო.

6.3 ანგარიშსწორების გრაფიკი (მხარეთა შეთანხმებით) (ეტაპობრივად, მხარეთა შორის მიღება-ჩაბარების აქტის გაფორმებიდან არაუგვიანეს 30 (ოცდაათი) კალენდარული დღის ვადაში).

7. ფასები

7.1 მიმწოდებლის მიერ დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს.
7.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.
7.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა `სახელმწიფო შესყიდვების შესახებ` საქართველოს კანონის და ამ დებულების მოთხოვნათა გათვალისწინებით.
8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. უფლებების გადაცემა

9.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

10. სუბკონტრაქტორები

10.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკებების საფუძველზე, რომელიც გაფორმდება წერილობითი ფორმით წინადადებარე ხელშეკრულების დამატების სახით.

10.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

10.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

11. ხელშეკრულების შესრულების გარანტია

11.1 იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, ტენდერში გამოიყენება გარანტირების მექანიზმის შემდეგი სახე – საბანკო გარანტია, ხელშეკრულების საერთო ღირებულების 2%-ის ოდენობით.

11.2 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება).

11.3 საბანკო გარანტიის მოქმედების ვადა მინიმუმ 30 დღით უნდა აღემატებოდეს მომსახურების გაწევის საბოლოო ვადას.

11.4 მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმებიდან 5 კალენდარული დღის ვადაში.

11.5 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

12 გარანტია

12.1 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

12.2 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

13. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

13.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

13.2 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, _ ყოველ ვადაგადაცილებულ დღეზე ხელშეკრულების ღირებულების 0.2%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.2 %-ს.

13.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

14. ხელშეკრულების შეწყვეტა მისი პირობების შეუსრულებლობის გამო

14.1 მიმწოდებლის მიერ ხელშეკრულების პირობების შეუსრულებლობის შემთხვევაში შესყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

14.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

14.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

14.5 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

14.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 15 კალენდარულ დღეს.

15. ფორს-მაჟორი

15.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარდონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

16.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

17. გამოყენებული სამართალი

17.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. ხელშეკრულების ენა

18.1 ხელშეკრულება შედგენილი უნდა იქნეს ქართულ ენაზე, ოთხ ეგზემპლარად, თითოეულ მათგანს გააჩნია თანაბარი იურიდიული ძალა. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცივდება მხარეთა შორის, უნდა შეესაბამებოდეს აღნიშნულ პირობებს.

19. შეტყობინება

19.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

19.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

20. გადასახადები და დაბეგვრა

20.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

20.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

21. ხელშეკრულების მოქმედების ვადა

21.1 წინამდებარე ხელშეკრულება ძალაშია ზემოთ მითითებული თარიღიდან მხარეთა მიერ ხელშეკრულებით გათვალისწინებული ვალდებულებების სრულ და ჯეროვან შესრულებამდე.

22. სხვა პირობები

22.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

22.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

22.3 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

22.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

22.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი -----

მიმწოდებელი -----